

ÁKVÖRÐUN FRAMKVÆMDASTJÓRNARINNAR

frá 9. júlí 1997

um sameiginlega tækniforskrift um almennar tengikröfur vegna gagnaendabúnaðar (DTE) sem tengja á pakkaskiptum almennum gagnanetum (PSPDN) sem bjóða upp á X.25-skilfleti samkvæmt CCITT-tilmælum

(Texti sem varðar EES)

(97/545/EB)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 91/263/EBE frá 29. apríl 1991 um samhæfingu laga aðildarríkjanna um notendabúnað til fjarskipta ásamt gagnkvæmri viðurkenningu á samræmi ⁽¹⁾, eins og henni var breytt með tilskipun 93/68/EBE ⁽²⁾, einkum öðrum lið 2. mgr. 6. gr.,

og að teknu tilliti til eftirfarandi:

Framkvæmdastjórnin hefur samþykkt ákvæði um gerðir endabúnaðar sem sameiginlega tækniforskrift þarf fyrir, svo og tilheyrandi yfirlýsingu um gildissvið.

Samþykkja ber samsvarandi samhæfða staðla eða þá hluta þeirra sem eru til framkvæmdar grunnkröfunum sem breyta á í sameiginlegar tækniforskriftir.

Til að tryggja órofinn aðgang að mörkuðum fyrir framleiðendur er nauðsynlegt að mæla fyrir um bráðabirgðaákvæði vegna búnaðar sem er samþykktur samkvæmt ákvörðun framkvæmdastjórnarinnar 96/71/EB ⁽³⁾.

Fella ber ákvörðun 96/71/EB úr gildi að aðlögunartímabilinu loknu.

Sameiginlega tækniforskriftin, sem kveðið er á um í þessari ákvörðun, er í samræmi við álit samþykkisnefndar endabúnaðar (ACTE).

SAMÞYKKT ÁKVÖRÐUN ÞESSA:

1. gr.

1. Þessi ákvörðun gildir um gagnaendabúnað (DTE) sem tengja á pakkaskiptum almennum gagnanetum (PSPDN), sem gefa möguleika á X.25-skilfleti samkvæmt CCITT-tilmælum með gagnaflutningshraða allt að 1 920 kílóbit

⁽¹⁾ Stjútíð. EB nr. L 128, 23. 5. 1991, bls. 1.

⁽²⁾ Stjútíð. EB nr. L 220, 31. 8. 1993, bls. 1.

⁽³⁾ Stjútíð. EB nr. L 13, 18. 1. 1996, bls. 23.

um/s með skilflötum sem byggjast á CCITT-tilmælum X.21 og X.21 bis, og fellur undir samhæfða staðalinn sem vísað er til í 1. mgr. 2. gr. þessarar ákvörðunar.

2. Í þessari ákvörðun er kveðið á um sameiginlega tækniforskrift sem gildir um almennar tengikröfur vegna endabúnaðar sem um getur í 1. mgr.

2. gr.

1. Sameiginlega tækniforskriftin skal fjalla um samhæfða staðalinn sem hlutaðeigandi staðlastofnun hefur samíð til framkvæmdar grunnkröfunum sem um getur í d- og f-lið 4. gr. tilskipunar 91/263/EBE. Tilvísun í staðalinn er að finna í viðaukanum.

2. Endabúnaður innan gildissviðs þessarar ákvörðunar skal vera í samræmi við sameiginlegu tækniforskriftina sem um getur í 1. mgr., uppfylla grunnkröfunar sem um getur í a- og b-lið 4. gr. tilskipunar 91/263/EBE og uppfylla kröfur annarra gildandi tilskipana, einkum tilskipana ráðsins 73/23/EBE ⁽⁴⁾ og 89/336/EBE ⁽⁵⁾.

3. gr.

Tilkynntir aðilar, sem tilnefndir eru til að koma í framkvæmd málsmeðferðunum sem um getur í 9. gr. tilskipunar 91/263/EBE, skulu, að því er varðar endabúnað, sem 1. mgr. 1. gr. í þessari tilskipun gildir um, beita samhæfða staðlinum sem um getur í 1. mgr. 2. gr. innan árs frá því að þessi ákvörðun er samþykkt.

4. gr.

1. Ákvörðun 96/71/EB falli úr gildi daginn sem eitt ár er liði frá því að tilkynnt var um þessa ákvörðun.

⁽⁴⁾ Stjútíð. EB nr. L 77, 26. 3. 1973, bls. 29.

⁽⁵⁾ Stjútíð. EB nr. L 139, 23. 5. 1989, bls. 19.

2. Áfram er heimilt að markaðssetja og taka í notkun endabúnað, sem er samþykktur samkvæmt ákvörðun 96/71/EB, að því tilskildu að samþykkið sé veitt innan árs frá því að tilkynnt var um þessa ákvörðun.

5. gr.

Ákvörðun þessari er beint til aðildarríkjanna.

Gjört í Brussel 9. júlí 1997.

Fyrir hönd framkvæmdastjórnarinnar,

Martin BANGEMANN

framkvæmdastjóri.

VIÐAUKI

Tilvísun í gildandi samhæfðan staðal

Samhæfði staðallinn sem vísað er til í 2. gr. ákvörðunarinnar er:

Tengikröfur vegna gagnaendabúnaðar (DTE) sem tengja á pakkaskiptum almennum gagnanetum (PSPDN), sem gefa möguleika á X.25-skilfleti samkvæmt CCITT-tilmælum með gagnaflutningshraða allt að 1 920 kílóbitum/s með skilflötum sem byggjast á CCITT-tilmælum X.21 og X.21 bis

ETSI

Fjarskiptastaðlastofnun Evrópu

Aðalskrifstofa

TBR 2 — Janúar 1997

(að undanskildum formála)

Viðbótarupplýsingar

Fjarskiptastaðlastofnun Evrópu er viðurkennd samkvæmt tilskipun ráðsins 83/189/EBE ⁽¹⁾.

Samhæfði staðallinn sem vísað er til hér að framan er saminn samkvæmt umboði sem gefið er út í samræmi við viðeigandi málsmeðferðarreglur tilskipunar 83/189/EBE.

Unnt er að fá orðréttan texta framangreinds samhæfðs staðals með því að snúa sér til:

Fjarskiptastaðlastofnunar Evrópu
650, route des Lucioles
F-06921 Sophia Antipolis Cedex.

Framkvæmdastjórnar Evrópubandalaganna
DG XIII/A/2 — (BU 31 1/7)
Rue de la Loi 200/Wetstraat 200
B-1049 Bruxelles/Brussel

⁽¹⁾ Stjttíð. EB nr. L 109, 26. 4. 1983, bls. 8.